

Den parlamento

Fraccionnan a expresa nan sentimento riba Ritz Carlton

StimAruba a demostra su rechazo contra e proyecto aki



ORANJESTAD— Ayera den Parlamento a ser trata den Comision Central e carta cu gobierno a manda pa haya sosten pa loke ta realisacion di e proyecto Ritz Carlton. Den e sesion aki, e miembronan di e diferente fraccion representa den Parlamento di Aruba por a expresa nan sentimentonan pa e proyecto di Ritz Carlton. Sinembargo tabatin un grupo di spectadornan cu aunke nan no a participa directamente den e deliberacionnan di ayera, for di e tribuna di parlamento

nan a prefera di manifesta su rechazo contra e proyecto hotelero menciona.

Nos ta papiando di e organisacion StimAruba lidera dor di sra. Olinda Rasmijn, kende hunto cu algun miembro di su organisacion a dicidi di manifesta su desaprobacion contra e proyecto aki ya cu – segun nan criterio- e ta afecta di forma irreversible algun especie marino, y en general nos medio ambiente. Pa mas informacion lesa pagina A/4

Reunion den Parlamento ayera tabata pa partidonan expresa sentimento riba Ritz Carlton

Y no necesariamente pa duna aprobacion na incentivonan pa e hotel



ORANJESTAD—Partidonan representa den Parlamento di Aruba ayera por a expresa nan sentimentonan pa e proyecto di Ritz Carlton, y pa algun partido e ta bisto, cu e reunion ta mas bien pa duna Gobierno e luz berde pa duna incentivonan pa e proyecto.

Por lo menos, AVP ta kere cu esaki ta e caso, y pa tal motibo mes, lider di fraccion Mr. Mike Eman a urgí e Presidente di Parlamento Mervin Ras, pa determina e razon específico di e reunion.

Eman ta kere cu e intencion real ta pa Gobierno haya e luz berde pa duna Ritz Carlton e incentivonan cu e compania kier pa realiza e proyecto. Esaki basa riba e propio pensamiento di Nelson Oduber, Prome Minister, esta cu pa Gobierno bai de acuerdo cu construcion di e hotel, no tin mester di aprobacion di Parlamento. “Nos kier tin claridad kico e embergadura di e expresion na favor di Ritz Carlton tin, esta cu Gobierno ta sinti cu e tin e aprobacion pa duna e incentivonan,” Eman a bisa, enfatizando cu

tabata kier a haya impresion di kico e partidonan ta pensa riba e proyecto.

“Sr. Eman sa masha bon cu Gobierno y Parlamento tin nan propio responsabilidad. Gobierno kier sa kico ta e sentimento di Parlamento. Nos ta duna nos sentimento pa e proyecto, y esei ta e caso. Locual Gobierno kier haci cu esaki, ta su asunto,” Mr. Thijsen a bisa, cordando Mike Eman tambe cu tin un mocion di Parlamento firma dia 15 di Februari 2005, unda unanimamente a bai de acuerdo cu incentivonan pa Ritz Carlton.

Mr. Monica Arends a señala di pa banda di MPA, tambe lo kier sa kico ta e incentivonan cu lo kier duna Ritz Carlton, ya cu no a haya e informacion aki for di Gobierno durante e reunion anterior. “Nos ta sali for di e punto di bista cu awe nos ta papia di nos sentimentonan y tambe e incentivonan cu sigur lo sigui y cu nos no sa kico nan ta.”

PA KICO RITZ CARLTON SI OF NO



un aprobacion pa e proyecto no automaticamente ta nifica un aprobacion pa incentivo. Tanto Presidente di Parlamento Sra. Ras y lider di fraccion di MEP, Sr. Ady Thijsen a insisti cu Gobierno unicamente

Despues a sigui e pensamentonan di varios di e miembronan di Parlamento, riba Ritz Carlton. Mike de Meza entre otro a enfatisa cu Gobierno no por uza e argumento cu na 1986 ya

caba a reserva e area específico pa un proyecto hotelero. E situacion na 1986 tabata otro, unda tabatin desempleo di 40 porshento, economia malo y finanzas publico deplorable. “E derecho di opcion di e tempo ei tabata pa 29 mil meter cuadra, no e 45 mil meter cuadra cu kier duna Ritz Carlton awor.” De Meza a bisa cu Aruba a perde hopi di su naturala e tempo ei, pero esei tabata e prijs cu mester a paga un desaroyo economico. “Pero 20 aña despues, Aruba ta na punta di cai moralmente, socialmente y financieramente den otro, y un momento unda comunidad ta puntra si Aruba a yega su capacidad di carga maximo.” De Meza a corda Sr. Nilo Swaen y Sra. Marisol Lopez Tromp cu na 1999 y 2000, ambos a expresa cu no por tin proyectonan grandi mas pa Aruba, ya cu Aruba a yega su capacidad di carga maximo “Kico a pasa, cu awor algun aña despues, no ta tende nada di e dos Ministernan aki, kendenan a protesta na momento cu na San Nicolas lo a haya un desaroyo cu lo a



ambiente, pa Ritz Carlton. Mas ainda, e rapport cu a laga haci pa KPMG no a bai den detaye. Pero asina mes, e conclusionnan di e rapport aki ta alarmante. Pasobra KPMG ta bisa cu tur trahado lo mester keda importa, un total di 1078, cu ta 1.2 porshento di e poblacion di Aruba. Lo mester traha 700 cas extra na Aruba; mester di 54 luga den crèche, y 156 na scol regular; mientras cu lo bin 258 auto



trece e mesun hotel aki.”

Pues, de Meza ta bisa, cu si Ritz Carlton mester bin, anto e mester bin na San Nicolas, segun e mesun promesa di Prome Minister Oduber. E no ta acepta e argumento, cu no tin infraestructura suficiente na San Nicolas, ya cu e propio Prome Minister ta papia di otro proyecto hotelero bou guia di Sr. Alex Nieuwmeier cu supuestamente lo bin otro aña na Seroe Colorado. Di con tin infraestructura pa e proyecto aki, y no pa Ritz Carlton?

De Meza ta puntra si pa Gobierno di MEP, Aruba ta cuminsa na Westpunt y caba na brug di Balashi.

De Meza tambe ta pidi pa un estudio di impacto di medio

extra na Aruba.

Di otro banda, Dirk Dumfries ta bisa cu World Bank a sugeri pa diversifica e industria turistico pa motibo cu Aruba no tin otro recurso. Dumfries a felicita Gobierno pa duna tur documento, aunke cu di parti di AVP a bin e critica cu Gobierno te ainda no a presenta e Visibility Study pa e proyecto. Dumfries a enfatisa cu e competidonan di Aruba tur kier un Ritz Carlton, y cu e proyecto aki lo yuda Aruba keda na cabez. “Un grupo chikito no por dicta kico Gobierno mester haci. Esaki r’e.” Dumfries a urgí specialmente Pader Lampe pa no laga emocion stroba progreso.